

ԳԱԼՏՆԻ ՏԵՍԱԿՑՈՒԹԻՒՆ

Պ.Պ.Վ.ԻՇԻՆՄԲԻՒԵՒ ՍԱՔԱՅԻՄԻԶԵՒ

Երուաղեմ, 18 (Ամբ). — Համաձայն հայկ. վատահելի աղբիւրէ տեղեկութեան մը, վերջերս բացարձակ գաղտնապահութեամբ տեսակցութիւն մը տեղի ունեցած է Սթամպուլի մէջ, սովորեթական Արտաքին փոխ-գործավար Պ. Վիշինսքիի և Թուրքիոյ Արտաքին գործոց նախարար Պ. Հասան Սաքայի միջեւ։

Այս հաւաքոյթին առաջարկը եկած է Պ. Վիշինսքիի կողմէ և ընդունուած Պ. Հասան Սաքայէ՝ որ հրաւիրած է Պ. Վիշինսքին անպաշտօն կերպով թուրքիա գալ, վիճելու համար երկու երկիրները շահագրգռող հարցերով։

Պ. Վիշինսքի իր բնակութեան շրջանին մնացած է ընթամպուլի «Բարք» պանդոկին մէջ, ուր ամենախիստ միջոցները ձեռք առնուած էին՝ բացարձակ գաղտնապահութիւն պահելու համար։

Համաձայն նոյն աղբիւրին, բանակցութիւնները տեւել են երեք օր և Պ. Հասան Սաքա առաջարկեր է Սովիեթական Միութեան յանձնել կարսի և Արտահանի նահանգները՝ պայմանաւ որ Սովիեթական Միութիւնը ձեռք քաշէ Վոստիքի, Տարտանէլներու և Վրաստանի նահանգներէն (որուն բնիկներէն է Պ. Սաքա) պահանջներէն։

Կը թուի թէ թուրք նախարարը յայտնած ըլլայ թէ շատ հաւանական է որ Մեծն Բրիտանիա և Միացեալ Նահանգները ընդունին կարսի և Արտահանի վերաբերեալ Առ. Վիեթական պահանջները, սակայն անոնք երբեք պիտի չընդունէին նեղուցներու վերաբերեալ Սովիեթական Միութեան պահանջները։

Պ. Սաքա պնդած է այն իրողութեան վրայ թէ առաջարկուած այս համաձայնութիւնը մեծապէս պիտի նպաստէր միջազգային կացութեան յարակացումին։

Պ. Վիշինսքի ունեցած է շատ վերապահ կեցուածք մը և յայտարարած է թէ չի կրնար տալ ապագան յանձնառութեան տակ դնող պատասխան մը, սակայն իր կառավարութեան պիտի փոխանցէ այս առաջարկները։